

Kasdienībē

Padirbiesem, padirbiesem,
Suotē dounas prisijiesem.
Pu tuo mausem i Kanada
Užsigertē limonada
Dar so atsegto prasporko –
Iš Kanadas i Maljorka.
Tik jau ne, nenusidietē,
Ramē pliažē pasidietē.
Paskiau, saka tuokēs puonēs,
Kad australā gerē žmuonēs.
Su čebovēs pasiediesio,
Tris akmēnžovēs sujieso.
Paskiau, kad pašiurpint kūna,
Pašuoļiousio unt kengūru.
Aiško, nebluogā dar būto
Pavaikīt savanos liūtu
Ēr iš Aprēkas platībiu –
Kor daugiau linksmībiu...
Taigi, tēisē i Parīžio –
Nusipērkso maiša rīžiu.
Pagal dabartēnē rinka,
Mūsa kroupā baisē bringa,
Tad kāp i numus sugrīža,
Kāp kad reikint nusi...šnīpša.
Er, padiejēs rēibi taška,
Viel iš miešla sunkso vaška.
Tēp pakelsem bēndra līgi,
Ēr gīventē būs bepigi.
Svarbo tik nenusimintē,
Kumet kīšius draus baimtē,

Nebeplieštē, nebevuogtē.

Dērbtē lēips žmuogēškā išmuoktē....

Kuožnos dērbto sava darba,

Kam badirbsi, vēskas svarbo.

Doutē ne vēn tik žadietē,

Plepalās neikirietē.

Leisto žmuogou atsigautē,

Toukart prašuom rēkalautē,

Nes nu obaga kon gausi,

Nebēnt terba ar par ausi.